



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtd@jtd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtd@jtd.ba

Broj: T18 0 KT 0015341 21
Brčko, 31.08.2021. godine

Na osnovu člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

P.B. ...

Što je:

Dana 22.05.2021. godine, oko 13,05 časova, u ulici Zaima Mušanovića, Brčko distrikt BiH, upravljao putničkim motornim vozilom marke „VW Golf“, registarskih oznaka ..., vlasništvo P.F., u kom se na mjestu suvozača nalazio P.F., krećući se iz pravca raskrsnice IV Juli u pravcu mjesta Omerbegovača, iako svjestan da usljed nedržanja odstojanja, kao i skretanja ulijevo, odnosno mijenjanja saobraćajne trake i obilaženja može dovesti u opasnost druge učesnike u saobraćaju, ali olako držeći da zabranjena posljedica neće nastupiti, po dolasku u blizinu kuće na broju 18 nije držao potrebno odstojanje kada se kretao iza drugog vozila, a koje je skretalo desno, te izbjegavajući udar u vozilo ispred sebe naglo skrenuo u lijevu saobraćajnu traku, kojom prilikom je čeonim lijevom dijelom vozila ostvario kontakt sa čeonim lijevom dijelom motornog vozila marke „Daihatsu Sirion“, registarskih oznaka ... kojim je upravljao M.N., koji se u tom trenutku kretao iz suprotnog smjera, postupajući tako suprotno odredbi člana 27. i 36. Zakona o osnovama bezbjednosti saobraćaja na putevima u BiH („Službeni glasnik BiH“, broj 6/06, 75/06, 44/07, 84/09, 48/10 i 18/13), a pri kom ostvarenom kontaktu vozila je P.F. zadobio tešku tjelesnu povredu u vidu preloma donjeg okrajka desne palčane kosti na tipičnom mjestu, nagnječenja lijeve šake i nagnječenja grudnog koša,

dakle, kao učesnik u saobraćaju na putevima koji se ne pridržava saobraćajnih propisa, iz nehata, ugrozio javni saobraćaj i doveo u opasnost život ljudi, pa je zbog toga kod drugoga nastupila teška tjelesna povreda,

čime je počinio krivično djelo – Ugrožavanje javnog saobraćaja – iz člana 326. stav (3) u vezi sa stavom (1) Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
